

椿戶、蝮椿椿連、伴椿連、椿守、椿等、自餘以橘字為姓之類、亦以椿換之、

○按ズルニ、仁明天皇ノ母后橘氏ノ姓ヲ避ケシナリ、

〔續日本紀二十〕天平寶字二年己巳○己巳上恐內藥司佐兼出雲國員外掾正六位上難波藥師奈良

等一十一人言、奈良等遠祖德來、本高麗人、歸百濟國、昔泊瀨朝倉朝廷○雄詔百濟國訪求才人、爰以

德來貢進聖朝、德來五世孫惠日、小治田朝廷○推御世被遣大唐學得醫術、因號藥師、遂以為姓、今思

關子孫不論男女、共蒙藥師之姓、竊恐名實錯亂、伏願改藥師字、蒙難波連、許之、

〔續日本紀三十六〕天應元年六月壬子、遠江介從五位下土師宿禰古人、散位外從五位下土師宿禰道

長等一十五人言、土師之先、出自天穗日命、其十四世孫、名曰野見宿禰、昔纏向珠城宮御宇、垂仁天皇

世、古風尚存、葬禮無節、每有凶事、例多殉埋、于時皇后○日葉媛命薨、梓宮在庭、帝顧問群臣曰、後宮葬禮、為

之奈何、群臣對曰、一遵倭彥王子故事、時臣等遠祖野見宿禰、進奏曰、如臣愚意、殉埋之禮、殊乖仁政、非

益國利人之道、仍率土師三百餘人、自領取埴、造諸物象進之、帝覽甚悅、以代殉人、號曰埴輪、所謂立物

是也、此即往帝之仁德、先臣之遺愛、垂裕後昆、生民賴矣、式觀祖業、吉凶相半、若其諱辰、掌凶祭日、預吉

如此供奉、允合通途、今則不然、專預凶儀、尋念祖業、意不在茲、望請因居地名、改土師以為菅原姓、勅依

請許之、

〔續日本紀四十四〕延曆九年十一月壬申、外從五位下韓國連源等言、己等是物部大連等之苗裔也、夫物

部連等、各因居地行事、別為百八十氏、是以源等先祖鹽兒、以父祖奉使國名、故改物部連為韓國連、然

則大連苗裔、是日本舊民、今號韓國、還似三韓之新來、至於唱導、每驚人聽、因地賜姓、古今通典、伏望改

韓國二字、蒙賜高原、依請許之、

〔續日本後紀十五〕承和十二年七月己未、右京人中務少錄正五位下巫部宿禰公成、大和國山邊郡人

散位從六位下巫部宿禰諸成、和泉國大鳥郡人正六位上巫部連繼麻呂、從七位下巫部連繼足、白丁